

根本說一切有部毗奈耶雜事卷第三 貴三

唐三藏法師義淨奉 制譯

第一門第二子攝頌火生長者之餘

尔時未生怨入火生長者宅見好寶珠遂便竊取與其從人至本宅已報從者曰向付珠寶汝可將來從者開拳唯見空手報言不知

寶珠何去太子遂瞋打火生曰從者何辜輒見瞋打荅曰我是小賊此是大賊我於汝舍竊得寶珠今此小人轉更行盜火生報曰非太子盜亦非此偷太子取後尋還本處白言太子我宅中財是太子物隨所須者任情將去因何竊取太子默然便作是念我父歿後

當摠取之時未生怨由提婆達多惡友教故其父明王遂加逆害便自稱為灌頂大王作摩竭陀國主告火生曰汝是我弟可共分財火生念曰其父明王殺而自立豈於我所能容忍乎今此惡王欲奪我宅先與為允念已告言大王我先有意宅及財寶悉以持奉更

何所分惟願大王來我宅內我向王宮幸當聽許王言善哉隨意所作王便移去火生入宮宅中相好悉移宮內如是來去經乎七返好逐火生惡隨王後時未生怨作如是念我今不能得火生寶更為餘術方便取之告竊偷者曰汝今宜往火生舍內偷取寶珠其人

聞語便作鐵鉤昇墻欲入內人見已遂即高聲唱言賊入賊入火生聞已意不令去遂云汝住其賊即便膠著墻頭不能向下比至天曉人皆共觀問彼賊曰何故至斯荅曰大王遣我來偷火生寶眾人皆怒此是惡人法王無辜橫加殺戮今復令賊枉奪人財此過尤

深如何可恕王聞是已遂令使者詣火生處作如是語宜當放捨勿加苦害是時火生意欲放去唱言賊去遂便得脫火生念曰尚能殺父不害我者無有是處豈為財寶自殞命耶然則我奉世尊昔所授記於我法中出家修行斷盡諸惑得阿羅漢果我今宜可捨俗

出家於其宅中所有財寶悉皆分給孤獨乞人貧乏之類咸令豐足時火生長者遂與諸親朋友知識共辭別已往詣佛所禮佛雙足退坐一面合掌恭敬白言世尊惟願許我於善說法律而為出家并受近圓成苾芻性淨修梵行奉事世尊佛既見已告言善來苾芻

貴三

二

可修梵行聞是語已鬚髮自落如曾剪剃已經七日法衣著身瓶鉢在手威儀整肅如百歲苾芻頌曰

世尊命善來 髮除衣著體 即得諸根寂

隨佛意皆成

尔時世尊隨機教授彼便策勵方便勤修觀

知五趣生死輪迴動搖不息有為諸行皆悉敗壞可厭惡法常為他損樂在暫時受苦長夜雖有天報終歸散滅深察知已便斷諸惑得阿羅漢果三明六通具八解脫得如實知我生已盡梵行已立所作已辦不受後有心無障礙如手搗空刀割香塗愛憎不起觀金

與土等無有異於諸名利無不棄捨釋梵諸天悉皆恭敬時諸苾芻咸起疑念唯佛世尊能除疑網我今共問即詣佛所白言世尊火生長者先作何業彼業之報生大富家受用無乏復作何業與母一時同燒火聚復由何業生在人中受天妙相復由何業於佛法中

出家修行斷諸煩惱證阿羅漢世尊告曰汝等苾芻皆當善聽火生童子先所造業還須自受廣如上說汝等應聽過去世時九十一劫有佛出世号毗鉢尸如來應正等覺十号具足與大苾芻眾六萬二千人次第遊行漸至一城名曰親慧王各有親去斯不遠有親

貴三

三

慧林佛及苾芻於此而住其王有大福德國界安寧人民熾盛無諸闢諍為大法王廣如上說於此城中有一長者名曰天分大富多財受用豐足與毗沙門王比其富盛長者念曰我雖數數請毗鉢尸佛及諸聖眾設美飲食然未曾為三月安居四事供養我今宜可

請佛及僧於三月中一切資生盡捨供給作是念已即往佛所頂禮雙足退坐一面佛以方便為說法要示教利喜既說法已默然而住是時長者即從坐起合掌向佛白言世尊唯願慈悲哀愍受我三月中請飲食衣服卧具醫藥佛見請已默然為受時彼長者見佛

受已禮足而去時國王有親聞毗鉢尸如來與諸大眾來至其國住在林中便自念曰我雖頻頻請佛及僧就舍而食然未三月四事供養我今欲請佛僧三月供養即往佛所禮雙足已退坐一面時佛為王說微妙法示教利喜默然而住王起合掌致敬白佛我雖頻

頻請佛僧眾就舍而食然未三月四事供養唯願世尊及諸大眾哀愍見受三月供養四事無關佛言大王我已受彼天分長者三月中請王言佛若為受天分不見許者我共籌議彼必相許佛言彼若許者我當為受王聞佛語禮足而去至官中已即令使者往命天

分長者至已王言長者汝今知不我欲先請佛僧以申供養汝次後設事亦非遲答言大王我已最先請佛僧訖既有此念伏願無違王言長者雖復如此然汝是我國內之人以理斟量我當先設白言大王雖是王人理盡先請若王苦抑於義有違王言長者不由情

欲即得遂心然我與汝隔日設供若食好者即隨其請長者言尔時彼長者即於其夜備辦種種上妙珍奇殊勝飲食既至天明於設食處以大瓦器多貯淨水遣使往白飲食已辦願佛知時時毗鉢尸佛於日初分執持衣鉢僧眾隨從至天分長者家設食之處就座

貴三

四

而坐長者既見佛僧坐已即便自手持諸供養奉施佛僧如是慇懃知眾飽足嚼齒木澡漱訖安置鉢已為聽法故取小座席於佛前坐尔時世尊為彼長者說微妙法示教利喜稱機法已從座而去時彼國王次當設供便即營辦種種供養廣如前說乃至從座而去

如是更番設妙供養竟無優劣時彼國王見是事已以手支頰懷憂而住時諸大臣見王憂色白言提婆何故憂悒荅言今我寧得不憂於我國內寄住之客設供佛僧我不能勝故懷憂耳大臣白言天分長者家內無樵買而作食販柴人等皆勿聽賣蒸薪既乏辦食

無緣王便宣令我國中人不賣柴草若有犯者當出我國時彼長者至設食日求柴不得便用家內栴檀香木以將炊爨爨復以香油塗其甃布用煮飯食由是香氣遍滿城中王恠問曰何故今日香氣氤氳異於常日從何面至諸人以事具白於王王言我今可無此事

大臣諫曰王今何故作如斯事長者家中更無子息身死之後物並入官得作如斯隨情費用王今宜可還令賣薪即便許賣長者聞王許賣薪草生忿怒心出惡語曰隨我家中現有香木令王并母一處焚燒次於他日王故懷憂諸臣重問王同前荅臣曰願勿懷憂

貴三

五

我作方便令彼設供不及大王王設供日諸臣即便於其城內除去瓦礫掃拭街衢遍灑香湯燒香普馥幢幡繒蓋處處皆懸散以名花無不充布莊嚴可愛如歡喜園次造食堂宏壯雅麗復安食座眾寶嚴儀於其上覆以繒綵塗香末香在處塗拭上饌細軟如天

甘露種種滋味超世瓊羞敬奉佛僧盡心供養時諸大臣共白王曰我等隨力共作如是嚴飾城隍辦斯盛饌王今宜可發起歡心王自親觀極生希有即命使者詣世尊處白言食辦願佛知時佛及大眾各持衣鉢至彼王宮詣設食處就座而坐其王遂令灌頂大象持百子傘蓋佛世尊自餘諸象各持一蓋以蓋苾芻國大夫人親持寶扇為佛招涼自餘內人扇苾芻眾王及大臣親持供養奉佛及僧廣如上說時天分長者遂告家人曰汝今可詣王設供處竊觀飲食麁細如何使者既至觀其盛饌遂乃忘歸第二第三使皆不返

是時長者親自往觀見彼盛設深歎希有便作是念此諸妙供力辦可成象及宮人我何能得作是念已便還本居告守門人曰汝若見有乞人來至須者皆與勿令輒入長者入室懷憂而住時天帝釋常以天眼觀察世間見天分長者室內懷憂察知彼心便作是念

世間福田佛為第一作大施主天分為先我今宜應共彼相助即自化作婆羅門像至長者門告守門人曰汝今宜往白大長者有憍尸迦種大婆羅門今在門外須欲相見門人告曰長者令我禁守其門見有乞人須者皆與勿令輒入必有須者隨意將去何勞要見

長者之身彼人報曰我無所求然有要緣須見長者使者遂入白言外有憍尸迦種大婆羅門云無所求須見長者長者報曰可語彼人若有所求隨意將去何須強欲見我身耶白言大家如所教言我已報訖彼云我有要緣須見長者告門人曰若如是者可使入來

貴三

六

門人引入時婆羅門既見長者懷憂而住問言長者何緣以手支頰似帶憂容長者聞已說伽他曰

若人能解憂 斯人可共語 如其憂不解 共語欲何為

時天帝釋問言長者有何憂事我有方便能

為解除長者即便具說前事時天帝釋即復本形告言長者我今上巧妙天來相借助作是語已隱形而去時天帝釋既至天宮告巧妙天曰汝今可往瞻部洲中與天分長者共相借助答曰善哉時巧妙天即於明日至彼城中隨情變化莊嚴衢路奇巧超絕種種莊飾倍勝於王食堂坐具妙成天巧所有飲食並是天厨令大象王持百支傘蓋毗鉢尸佛其餘諸象持蓋苾芻舍支天女手執金扇為佛招涼自餘天女扇苾芻眾時彼國王遣一使者竊往觀察看長者供養其狀如何其使往觀見其奇異遂便忘返復遣大臣還同前

住後令太子亦復不來王恠其事即便自往  
至彼門所尔時世尊遙見王已告長者曰此  
是國王已見真諦汝於彼所出麁惡言今在  
門外汝往求謝長者遂出求謝於王白言大  
王今請暫入自手供養王即入見上妙天厨  
極生希有告長者曰仁今宜可於日日中供

貴三

七

佛僧衆非我所望時彼長者既作如是奇妙  
盛饌供佛僧已頂禮佛足而發願言我今供  
養最上福田願此勝因我於來世常得生在  
大富貴家珍寶豐足受天妙相獲殊勝法出  
離蓋纏如是大師我當承事心無有欺汝等  
苾芻勿生異念往時天分長者即火生是由

於彼王出麁惡語以栴檀火母子同燒由彼  
業力於五百生中與母同處被火所燒乃至  
今時同燒一處由於毗鉢尸佛作上供養又  
復發願由彼業力常得生在大富貴家財寶  
豐盈天諸妙相自然而出於我法中出家修  
行斷盡諸惑得阿羅漢果汝等苾芻我與毗

鉢尸佛神通道力悉皆平等若於我所供養  
承事生殷重心必獲勝果如是應知若純黑  
業得純黑報等廣如上說時諸苾芻聞佛所  
說信受奉行

第一門第三子攝頌曰

綴鉢畜資具 刀子及針筒 并衣楨有三

是大仙開許

佛在室羅伐城時有苾芻其鉢有穴即便持  
去詣鍛師所報言賢首我鉢有穴幸能為綴  
彼作是念諸釋迦子皆是閑人不與價直虛  
相駢使我若為作餘者續來頻頻料理廢我  
生務未有竟期我今宜可且延時節報言聖

者我未有暇明當可來明日便至報云後日  
或早或晚日日如是矯誑延時苾芻勞倦有  
知識苾芻見而問曰具壽日日常見來向此  
家豈可是汝門徒親識耶報言大德此家非  
我門徒亦非親識我有破鉢令其料理彼謂  
誑我為此常來荅言具壽汝可不聞工師巧

兒難得實語然我解作若佛許者我為汝綴以緣白佛佛言若有苾芻解巧作者應在屏處而綴其鉢設有見者譏醜不生時彼苾芻既聞佛許即便往彼巧苾芻處報言大德世尊開許得自綴鉢當為我作彼言具壽豈用我指而綴於鉢須得作具方可為綴以緣白

貴三

八

佛佛言由是我今開許僧伽畜鐵作具若有須者可借取用事了送還

緣在室羅伐城時諸苾芻欲裁三衣便以手裂衣財損壞以緣白佛佛言不應手裂可刀子裁世尊許已時有苾芻欲割截衣往俗人處告言居士我須刀子欲割截衣荅曰將去

既裁衣已送還彼人居士報曰此即相施荅言世尊不許以緣白佛佛言我許苾芻受畜刀子見佛許已時諸六衆便以金銀琉璃頗黎諸寶并餘雜色種種奇珍莊飾其疋時諸俗旅見而問曰聖者此是何物荅言世尊聽畜刀子彼言仁等尚有欲事纏繞心耶時諸

苾芻以緣白佛佛言苾芻不應畜用金銀琉璃頗黎諸寶并餘雜色種種奇珍莊飾刀疋若須刀子純用鐵作彼便太長俗人復問此是何物荅言此是刀子世尊聽畜彼言聖者此是大刀不是刀子以緣白佛佛言苾芻不畜長刀彼極小作不堪割物佛言汝等應知

有三種刀子謂大中小大者可長六指小者四指二內各中其狀有二一如烏羽曲二似雞翎不應尖直

緣在室羅伐城時諸苾芻刺三衣時便以竹籤或用烏翻衣遂損壞佛言應可用針是時六衆便以金銀琉璃頗黎諸寶而作其針俗

貴三

九

人見問此是何物荅曰佛許畜針彼言沙門釋子欲事纏繞心以緣白佛佛言苾芻不應以金等物而作其針然針有四種銅鐵鍮石及以赤銅苾芻畜針隨處安置遂便生澀佛言應用針筩苾芻不解如何作筩佛言有二種針筩一是抽管二以竹筩此許用管彼二刀

子恐生鐵垢着此管中亦得

緣在室羅伐城佛許苾芻作僧伽臘時諸苾芻便於地上敷置其氎多被虫食有塵垢汚以緣白佛佛言不應安地可作衣楨苾芻不解以緣白佛佛言有二種楨或木或竹布衣於上牽挽來去被竹損衣佛言先須鑽孔次

可以線繚令相着就上刺之

如佛所說有三種衣謂上中下上衣宜安上楨中下二衣即不相稱佛言應作三楨大小隨衣

第一門第四子攝頌曰

照鏡并鑿水 不應用梳刷 頂上留長髮

浴室栗姑毗

緣在室羅伐城時六眾苾芻於日初分執持衣鉢入城乞食時諸俗人於箱篋中開諸莊具六眾見已便持彼鏡照面觀形難陀鄔波難陀手相告曰我甚端正俗旅見譏作如是語聖者頭上無髮腋下毛長何處得有容儀

端正彼便默然苾芻白佛佛言苾芻不應照鏡若照面者得越法罪如佛所說不應照鏡即便照水同前譏笑佛言亦復不應臨水照面苾芻觀虫水時自見其面便生悔心佛言觀水見面此非是犯勿起疑心若為觀瘡或窺昔時老少形狀者覽鏡無咎

緣處同前六眾乞食見他俗家有莊飾具便用彼梳整理頭髮相語好不俗人見時同前譏笑彼便默然以緣白佛佛言苾芻不應梳頭若作得越法罪苾芻復更用刷還同前過佛言用得越法罪苾芻梳刷一時俱用佛言得罪同前

貴三

十

緣處同前時給孤獨長者側布黃金買逝多林奉佛僧已令剃髮人往入寺中為眾剃髮其人既至六眾問曰汝能剪剃留頂髻不荅曰是我工巧即令剪剃語言大作又云更除一分如是更除二三四五乃至八分報云癡人汝元不解可摠淨剃放汝歸家日暮言歸



長者見問汝剃幾人髮來報言無暇多剃卽波難陀令作頂髻廣說乃至日暮言歸長者聞已情起譏嫌苾芻白佛佛言苾芻不應頂上持髻若有持者得越法罪

緣處同前時具壽牛卧在橋閃毗國住水林山出光王園內猪坎窟中後於異時其出光

王於春陽月林木皆茂鵝鴈鴛鴦鸚鵡舍利孔雀諸鳥在處哀鳴遍諸林苑時出光王命掌園人曰汝今可於水林山處周遍芳園皆可修治除衆瓦礫多安淨水置守衛人我欲暫往園中遊戲彼人敬諾一依王教既修營已還白王知如所教勅我皆營訖唯願知時

彼王即便將諸內宮以為侍從往詣芳園遊戲既疲偃卧而睡時彼內人性愛花果於芳園裏隨處追求時牛卧苾芻鬚髮皆長上衣破碎下裙垢惡於一樹下跏趺而坐宮人遙見各並驚惶唱言大王有鬼有鬼苾芻即往入坎窟中王聞聲已即便睡覺拔劔走趨問

貴三

十一

宮人曰鬼在何處荅曰走入猪坎窟中時王聞已行至窟所執劔而問汝是何物荅言大王我是沙門王曰是何沙門荅曰釋迦子問言汝得阿羅漢果耶荅言不得汝得不還一來預流果耶荅言不得且置斯事汝得初定乃至四定荅並不得王聞是已轉更瞋怒告

大臣曰此是凡人犯我宮女可將大蟻填滿窟內蜇螫其身時有舊住天神近窟邊者聞斯語已便作是念此善沙門來依附我實無所犯少欲自居非法惡王橫加傷害我今宜可作救濟緣即自變身為一大猪從窟走出王見猪已告大臣曰可將馬來并持弓箭臣

即授與其猪遂走急出苑園王隨後逐時彼宮女告苾芻曰聖者可去王極暴惡或容相害時彼苾芻急持衣鉢疾行而去漸至室羅伐城時彼苾芻見已告言善來具壽久不相見從何處來荅曰從橋閃毗彼所住止得安樂不荅曰有何安樂幾被國王斷我形命問

言何故即具說其事時諸苾芻以緣白佛佛告一苾芻汝今可往牛卧苾芻所作如是言世尊喚汝既受佛教至牛卧所敬宣聖旨彼聞教已即詣佛所如常致敬在一面立世尊告言苾芻汝豈作如是非法惡形狀耶實尔大德汝是癡人於彼窟所貪心戀著深生愛

樂因告諸苾芻曰留長髮者有如是過是故汝等不應長髮故不剃者得越法罪如佛所教苾芻不應留長髮者蘭若苾芻無剃髮者遂即棄彼卧具等物來近聚落而為住止佛知故問阿難陀曰何故蘭若苾芻棄彼住處來近聚落而為居止阿難陀白佛言如佛所制苾芻髮不應長佛言我今開許蘭若苾芻頭髮極長可齊二指居聚落人量應減此緣處同前時有苾芻身嬰疾病行詣醫所告言賢首我身有疾幸為處方報言聖者應作浴室澡浴身形可得平復報言賢首我豈同俗受欲樂耶報言聖者唯此是藥餘不能蠲

貴三

十二

時諸苾芻以緣白佛佛言若是醫人云須浴室能除其病非餘藥者是故我令聽入浴室如佛所言作浴室者苾芻還往告醫人曰浴室除病其狀如何醫人報曰我曾讀誦輪王醫方彼說浴室能除其病然我不識其狀云何然汝大師具一切智仁可就問彼當教作

苾芻白佛佛言應作浴室彼便內迤外寬作其浴室佛言不應如是浴室之法內寬外迤形如苾瓶於中黑闇煙不能出佛言應可作牕令煙出外彼近下作煙猶不出佛言不應在下彼便高作尚少光明佛言不應太高太下應處中作烏鳥鳩鴿便入室中佛言應作隔子牕櫺風雨來時水滴傍入可安門扇風吹開者當須置店若難開閉作羊甲杖而聞閉之室無門扇佛言著扇并橫店鏤鈕於浴室中瓠水置地冷不堪用佛言應在室內兩邊安梁瓠置於上不應太高不應太下應與膝齊在地然火燒損於地佛言不應在地應

以甄石藉之火正炎熾苾芻入時遂便悶絕  
佛言火若皎猛不應即入待煙皎消隨意當  
入彼散著火遂便速滅佛言應聚一處不知  
以何物聚火佛言應用鐵杵苾芻中火悶絕  
之時應以少許蔓菁子油和麩置於火中得  
令醒悟便有惡氣佛言應可燒香眼中淚出

貴三

十三

佛言用麩團拭淚猶未除應以餘甘子屑澀  
作小團用掩其淚室無板坐彼自持來被油  
汗損佛言應將草替足蹈地時被塵土汗佛  
言應可布草彼用乾草便被火燒佛言應敷  
青者青者難求佛言應將水濕時諸苾芻以  
油塗摩遍身皆瘡用甄瓦石爪指便皮破佛

言身瘡不應爪搔應用浮石彼便利作招過  
同前佛言磨却利處然後方用彼既用了隨  
處棄擲因此失落佛言不應隨處棄失應以  
繩繫掛象牙杖上浮石油膩數數水洗佛言  
不應數數水洗可置火中多人出入其室遂  
冷佛言入時應閉出者亦然應令苾芻防守

門戶時諸苾芻於浴室內漫為言話佛言不  
應漫話然洗浴時有二儀式一者法語二聖  
默然於此室中苾芻洗浴遂便泥濕佛言不  
應於此室內以水洗浴應作別室於中洗浴  
此還有泥此是西方浴室制度以複甄疊成  
下闊七八尺一畔開門須下寬中高一文許  
令薄漏可於後面安一小龕龕置石像或是

銅像先浴像已擊向餘人後入要心供  
養發願常為所費不餘人後入要心供  
看其令暖以適節室內明燈通窗烟出  
方浴法皆入室已可在此方邊路枯而坐若欲洗  
時着洗油塗身今人指拭遂得沉病冷脾風  
遍汗勞衆病皆除不須餘藥豈同湯洗去垢  
而巳然後移向別室適其時候以藥湯洗身  
此是帝釋浴法若無病者未將恐覽者  
然中悟天熱地作者若稀北方寒國在處皆有

以表

佛言應以物砌苾芻不知以何物砌佛言應  
用甄砌或可布沙水便漫溢

佛言作竇決水令出入澆水時澆人居下浴  
人在上令水汗衣佛言不應如是可令浴人  
在下澆人在上洗浴之時須用齒木及澡豆

牛糞土屑向餘處取佛言於浴室處預置此物勿令遠取既洗浴已身體虛羸佛言任食小食手有油膩難卒洗除若更延停洗時恐過佛言應用匙食或得熱粥亦可用匙食時須鹽無葉請受佛言應畜承鹽盤子佛令作浴室不知遣何人作佛言應使弟子門人共

十四末

作若有施主亦可憑求洗浴之時揩摩身體更互而作佛言入時應將弟子令揩摩身承盤子者西方食法先瀕行並下薑片此是聖教與此方不同盤子本擬安益或將觀水元不欲著眾生食律云食了無問益此並蓋一大抄許以施眾生方有濟飢之益此並蓋是傳者矣

根本說一切有部毗奈耶雜事卷第三 貴三

辜孤音膠交音殺戮六下音策勵例下音手搗為下音數  
 數二音支類下音瓦礫反下音煠反自音抑反意音爨反力音爨反力音氣反音  
 綴反知音衞反於音楨反知音盈反盈音鍛反亂音師反亂音矯反小音誑反小音屏反音處反音

根本說一切有部毗奈耶雜事卷第四 貴四

唐三藏法師義淨奉 制譯

第一門第四子攝頌之餘

尔時佛在廣嚴城於此城中有栗姑毗子名曰善賢性無誑諂質直為行每於日日敬禮世尊後於異時欲詣佛所實力子苾芻與友地苾芻於世世中常為怨對時友地二苾芻人間遊歷至廣嚴地忽於路次逢見善賢問言善賢汝向何處報言聖者欲往禮佛彼二報曰至世尊所語為奉獻汝今頗有勝妙語言奉世尊不答曰我無報言善賢汝至佛所作如是語苾芻實力子無有羞耻所行非法